

SPECIMEN  
DE CONSTRUCTIONE AEQUA-  
TIONVM DIFFERENTIALIVM SINE INDE-  
TERMINATARVM SEPARATIONE.

AVCTORE

*Leonb. Eulero.*

§. 1.

**I**ndeterminatarum separationem in aequationibus differentialibus ideo tam sollicitè desiderari, quod ex ea inuenta aequationis constructio sponte fluat, cuique in his rebus exercitato satis perspectum esse arbitror. Integratio praeterea aequationum differentialium, siquidem succedit, optime indeterminatis separandis instituitur. Quanquam enim innumerabiles dantur aequationes, quarum integrales sine huiusmodi separatione inueniri possunt, cuiusmodi methodum exhibuit *Celeb. Iob. Bernoulli* in *Comm. nostrorum Tom. I. pag. 167*; tamen eae aequationes omnes ita sunt comparatae, ut vel per se obuia sit indeterminatarum separatio, vel saltem ex ipsa integratione facile deriuetur. Similis vero est etiam ratio constructionum, quibus adhuc vsi sunt *Analystae*, sunt enim omnes huiusmodi, ut aequationis, si nullo alio modo indeterminatae a se inuicem separari possunt, separatio tamen ex ipsa constructione proficiscatur. Hanc ob rem nullam adhuc exhiberi posse existimo aequationem differentialem construibilem, cuius separatio omnes vires eluderet.

§. 2.

§. 2. Nuper, autem in ellipsi rectificanda occupatus inopinato incidi in aequationem differentialem, quam ope rectificationis ellipsis construere poteram, neque tamen indeterminatarum separatio nequidem ex ipso construendi modo inueniri poterit. Aequatio vero quam obtinui erat haec  $dy + \frac{y^2 dx}{x} = \frac{x dx}{x^2 - 1}$  Riccatianae fere similis, et forte ad separandum aequae difficilis ac haec  $dy + y^2 dx = x^2 dx$ . Casus hic mihi primum vehementer paradoxus videbatur; at constructione attentius perspecta facile intellexi ex ea non solum separationem indeterminatarum non posse deduci, sed etiam, si alio modo separatio haec succederet, multo maiora sequutura esse absurda; comparationem scilicet perimetrorum ellipsium dissimilium, quae, ut mihi quidem videtur, omnem analysin superat. Constructio autem ipsa perquam est facilis, perficitur enim elongatione infinitarum ellipsium alterutrum axem communem habentium, et hanc obrem consueto per quadraturas construendi modo longe est praefenda.

§. 3. Proponam igitur totam rem, prout ad eam Tabula XIII  
Fig. 1. perueni. Sit ACB quadrans ellipticus, cuius centrum C, semi-axes vero AC et BC. Ponantur AC = a et BC = b, et ex A ducatur tangens indefinita AT, ad eamque ex centro C secans quaecunque CT, abscindens arcum AM = s, voceturque AT = t. Demisso ex M in AC perpendicularo vocetur CP = x, erit ex natura ellipsis  $PM = \frac{b\sqrt{a^2 - x^2}}{a}$ ; atque ob analogiam CP:PM = CA:AT habebitur  $tx = b\sqrt{a^2 - x^2}$  seu  $x = \frac{ab}{\sqrt{bb + tt}}$

Tom. VI. Y Suma-

Sumatur arcus  $AM$  elementum  $Mm$ , ducanturque  $mp$ ,  $Ct$  prioribus  $MP$ ,  $CT$  proximae; erit  $Mm$ ,  $ds = \frac{-dx\sqrt{(a^4 - (a^2 - b^2)x^2)}}{a\sqrt{a^2 - x^2}}$  et  $Tt = dt$ . Quia autem est  $x = \frac{ab}{\sqrt{(b^2 + t^2)}}$ ; erit  $dx = \frac{-abt dt}{(b^2 + t^2)^{\frac{3}{2}}}$ , et  $\sqrt{(a^2 - x^2)} = \frac{at}{\sqrt{(b^2 + t^2)}}$ , et  $\sqrt{(a^4 - (a^2 - b^2)x^2)} = \frac{a\sqrt{(b^4 + a^2tt)}}{\sqrt{(b^2 + t^2)}}$ . Ex his conficitur

$$ds = \frac{b dt \sqrt{(b^4 + a^2tt)}}{(b^2 + t^2)^{\frac{3}{2}}}$$

Ad cuius integrale per feriem saltem inueniendum pono  $a^2 = (n + 1)b^2$ , quae prodeat  $ds = \frac{b^2 dt \sqrt{((b^2 + t^2) + nt^2)}}{(b^2 + t^2)^{\frac{3}{2}}}$ , superiusque

irrationale sit binomium, cuius alterum membrum est  $b^2 + t^2$ , alterumque simplex terminus  $nt^2$ . Resoluo nunc  $\sqrt{((b^2 + t^2) + nt^2)}$  per canonem notum in feriem hanc  $(b^2 + t^2)^{\frac{1}{2}} + \frac{Ant^2}{(b^2 + t^2)^{\frac{1}{2}}} + \frac{Bn^2t^4}{(b^2 + t^2)^{\frac{3}{2}}} +$

$$\frac{Cn^3t^6}{(b^2 + t^2)^{\frac{5}{2}}} + \text{etc. in qua breuitatis gratia est } A = \frac{1}{2},$$

$B = \frac{-1 \cdot 1}{2 \cdot 4}$ ,  $C = \frac{1 \cdot 1 \cdot 3}{2 \cdot 4 \cdot 6}$ ,  $D = \frac{-1 \cdot 1 \cdot 3 \cdot 5}{2 \cdot 4 \cdot 6 \cdot 8}$  etc. Habebitur ergo  $ds = \frac{b^2 dt}{b^2 + t^2} + \frac{A b^2 n t^2 dt}{(b^2 + t^2)^{\frac{3}{2}}} + \frac{B b^2 n^2 t^4 dt}{(b^2 + t^2)^{\frac{5}{2}}} + \frac{C b^2 n^3 t^6 dt}{(b^2 + t^2)^{\frac{7}{2}}} + \text{etc.}$  et integer arcus ellipticus  $s$  erit integrale huius seriei.

§. 4. Notandum hic est singulorum horum terminorum integrationem ad primi termini  $\int \frac{bb dt}{b^2 + t^2}$  posse reduci, dat vero  $\int \frac{bb dt}{b^2 + t^2}$  arcum circuli radii  $b$  cuius tangens est  $t$ . Hanc ob rem singulos terminos assumpto hoc circulari arcu integro, vt sequitur:  $\int \frac{t^2 \cdot 2 \cdot t}{(b^2 + t^2)^2} = \frac{1}{2}$

$$= \frac{1}{2} \int \frac{bb \, dt}{bb+tt} - \frac{1}{2} \frac{b^2 t}{bb+tt} \int \frac{b^2 t^4 \, dt}{(b^2+t^2)^3} = \frac{1 \cdot 3}{2 \cdot 4} \int \frac{b^2 dt}{bb+tt} - \frac{1 \cdot 3}{2 \cdot 4} \frac{b^2 t}{bb+tt} \\ - \frac{1}{4} \frac{b^2 t^3}{(bb+tt)^2} + \int \frac{b^2 t^6 \, dt}{(b^2+t^2)^4} = \frac{1 \cdot 3 \cdot 5}{2 \cdot 4 \cdot 6} \int \frac{b^2 dt}{bb+tt} - \frac{1 \cdot 3 \cdot 5}{2 \cdot 4 \cdot 6} \frac{b^2 t}{bb+tt} - \\ \frac{1 \cdot 5}{4 \cdot 6} \frac{b^2 t^3}{(bb+tt)^2} - \frac{1}{6} \frac{b^2 t^5}{(bb+tt)^3}, \text{ ex quibus lex integralium reliquorum terminorum iam satis apparet.}$$

§. 5. Si quarta perimetri elliptici pars *AMB* requiratur, oportet facere *t* infinitum, hocque facto omnes termini algebraici in superioribus integralibus euanescunt.

Arcus circularis vero  $\int \frac{bb \, dt}{bb+tt}$  posito  $t = \infty$  dabit quartam peripheriae circuli partem, cuius radius est *b* seu *BC*, quam designabimus littera *e*. Erit propterea  $\int \frac{b^2 \, dt}{bb+tt}$

$$= e, \int \frac{b^2 t^2 \, dt}{(bb+tt)^2} = \frac{1 \cdot e}{2}, \int \frac{b^2 t^4 \, dt}{(bb+tt)^3} = \frac{1 \cdot 3 \cdot e}{2 \cdot 4}, \int \frac{b^2 t^6 \, dt}{(bb+tt)^4} = \frac{1 \cdot 3 \cdot 5 \cdot e}{2 \cdot 4 \cdot 6} \\ \text{etc. Prodit igitur quarta perimetri elliptici pars } AMB \\ = e \left( 1 + \frac{1}{2} \frac{A n^2}{b^2} + \frac{1 \cdot 3}{2 \cdot 4} B n^4 + \frac{1 \cdot 3 \cdot 5}{2 \cdot 4 \cdot 6} C n^6 + \frac{1 \cdot 3 \cdot 5 \cdot 7}{2 \cdot 4 \cdot 6 \cdot 8} D n^8 \right. \\ \left. + \text{etc.} \right). \text{ Atque substitutis loco } A, B, C, D, \text{ etc. va-} \\ \text{loribus debitis habebitur } AMB = e \left( 1 + \frac{1}{2 \cdot 2} \frac{n^2}{b^2} - \frac{1 \cdot 1 \cdot 3 \cdot n^4}{2 \cdot 2 \cdot 4 \cdot 4} \right. \\ \left. - \frac{1 \cdot 1 \cdot 3 \cdot 3 \cdot 5 \cdot n^6}{2 \cdot 2 \cdot 4 \cdot 4 \cdot 6 \cdot 6} - \frac{1 \cdot 1 \cdot 3 \cdot 3 \cdot 5 \cdot 5 \cdot 7 \cdot n^8}{2 \cdot 2 \cdot 4 \cdot 4 \cdot 6 \cdot 6 \cdot 8 \cdot 8} + \text{etc.} \right)$$

§. 6. Haec series, si *n* est valde paruum seu  $\frac{a^2-b^2}{b^2}$  id quod euenit, quoties ellipsis admodum propinqua est circulo, vehementer conuergit; hocque casu igitur facile ellipsis perimeter inuenitur. Quando vero *n* est quantitas, quam minima, seu  $a = b + \omega$ , denotante  $\omega$  quantitatem quam minimam, erit  $n = \frac{2\omega}{b}$ , et *AMB*

$$= e \left( 1 + \frac{\omega}{2b} \right) q.p. \text{ Quando vero fit } a = 0, \text{ incidit punctum } A \text{ in } C, \text{ et euadit } AMB = BC = b; \text{ hoc vero casu erit } n = -1, \text{ habebitur igitur } \frac{b}{e} = 1 - \frac{1}{2 \cdot 2} - \frac{1 \cdot 1 \cdot 3}{2 \cdot 2 \cdot 4 \cdot 4} \\ - \frac{1 \cdot 1 \cdot 3 \cdot 3 \cdot 5}{2 \cdot 2 \cdot 4 \cdot 4 \cdot 6 \cdot 6} - \text{etc. Summa huius seriei ergo exprimit}$$

Y 2.

ratio-

rationem radii ad quartam peripheriae partem in circulo.

7. Quemcunque igitur habeat valorem littera  $n$  in serie §. 5. inuenta, summa seriei semper poterit assignari ope rectificationis ellipsis, cuius axis maior se habet ad minorem, vt:  $\sqrt{(n+1)}$  ad 1. Hoc cum ita se habeat, vsus sum quoque methodo mea summationes serierum ad resolutionem aequationum reducendi, quam nuper exhibui, vt inuestigarem, a cuius aequationis resolutione summatio inuentae seriei pendeat. Quo autem haec methodus facilius possit adhiberi pono  $n = -x^2$ , eritque summanda ista series  $1 - \frac{1 \cdot x^2}{2 \cdot 2} - \frac{1 \cdot 1 \cdot 3 \cdot x^4}{2 \cdot 2 \cdot 4 \cdot 4} - \frac{1 \cdot 1 \cdot 3 \cdot 3 \cdot 5 \cdot x^6}{2 \cdot 2 \cdot 4 \cdot 4 \cdot 6 \cdot 6} - \text{etc.}$  huius igitur summam pono  $s$ . Erit ergo differentiando  $\frac{ds}{dx} = \frac{1 \cdot x}{2} - \frac{1 \cdot 1 \cdot 3 \cdot x^3}{2 \cdot 2 \cdot 4} - \frac{1 \cdot 1 \cdot 3 \cdot 3 \cdot 5 \cdot x^5}{2 \cdot 2 \cdot 4 \cdot 4 \cdot 6} - \text{etc.}$  Iam denuo per  $x$  multiplico, sumoque differentialia posito  $dx$  constante, erit  $\frac{d \cdot x ds}{dx^2} = -1 \cdot x - \frac{1 \cdot 1 \cdot 3 \cdot x^3}{2 \cdot 2} - \frac{1 \cdot 1 \cdot 3 \cdot 3 \cdot 5 \cdot x^5}{2 \cdot 2 \cdot 4 \cdot 4} - \text{etc.}$  Porro diuido vbique  $x$ , contraque per  $dx$  multiplico, sumoque integralia, erit  $\int \frac{d \cdot x ds}{x dx} = -x - \frac{1 \cdot 1 \cdot x^3}{2 \cdot 2} - \frac{1 \cdot 1 \cdot 3 \cdot 3 \cdot x^5}{2 \cdot 2 \cdot 4 \cdot 4} - \text{etc.}$  Denique iterum per  $dx$  multiplico, diuido vero per  $x^3$ , et sumo integralia, erit  $\int \frac{1}{x^3} \int \frac{d \cdot x ds}{x} = \frac{1}{x} - \frac{1 \cdot x}{2 \cdot 2} - \frac{1 \cdot 1 \cdot 3 \cdot x^3}{2 \cdot 2 \cdot 4 \cdot 4} - \frac{1 \cdot 1 \cdot 3 \cdot 3 \cdot 5 \cdot x^5}{2 \cdot 2 \cdot 4 \cdot 4 \cdot 6 \cdot 6} - \text{etc.}$  Haec vero series est ipsa initialis per  $x$  diuisa: eius igitur summa est  $\frac{s}{x}$ . Quocirca habemus hanc aequationem  $\int \frac{1}{x^3} \int \frac{d \cdot x ds}{x} = \frac{s}{x}$ , quae sumtis differentialibus abit in hanc  $x^2 ds - s x dx = \int \frac{d \cdot x ds}{x}$ . Differentietur haec denuo prodibit  $x^2 dds + x dx ds - s dx^2 = \frac{d \cdot x ds}{x} = dds + \frac{d \cdot x ds}{x}$ . Huius aequationis resolutio igitur pendet a summatione

matione seriei propositae, quae cum per rectificationem ellipsis habeatur, aequationis constructio quoque dabitur.

§. 8. Cum in ista aequatione  $s$  vbique vnam tenet dimensionem, reduci ea poterit per methodum meam Tom. III. Comm. insertam ad aequationem simpliciter differentialem, facta substitutione  $s = c^{\int p dx}$ , vbi  $c$  denotat numerum, cuius log. est 1. Hoc posito erit  $ds = c^{\int p dx} p dx$  et  $dds = c^{\int p dx} (dp dx + p p dx^2)$ , atque aequatio inuenta transformabitur in hanc  $x^2 dp + x^2 p^2 dx + p x dx - dx = dp + p p dx + \frac{p dx}{x}$ , quae diuisa per  $xx - 1$  mutatur in istam  $dp + p p dx + \frac{p dx}{xx - 1}$ . Ad hanc simpliciorefficiendam pono  $p = \frac{y}{x}$ , et proveniet  $dy + \frac{yy dx}{x} = \frac{xx dx}{xx - 1}$ . Quae quomodo separari possit neque perspicio, neque constructionis consideratio eo perducit.

§. 9. Quo autem ipsa constructio huius aequationis ex praecedentibus deducatur, pono illam axis semmissam  $AC$ , quem ante littera  $a$  denotaui, aequalem  $r$ , quia vt variabilis debet considerari, et quartam perimetri ellipsis partem respondentem  $q$ ; erit  $-xx = n = \frac{r^2 - b^2}{b^2}$ , et  $x = \frac{\sqrt{(b^2 - r^2)}}{b}$ . Porro erit  $q = es$ , est vero  $s = c^{\int p dx} = c^{\int \frac{y dx}{x}}$ , quocirca habebitur  $q = ec \int \frac{y dx}{x}$ , et  $lq - le = \int \frac{y dx}{x}$ , adeoque  $y = \frac{x dq}{q dx} = \frac{(r^2 - l^2) dq}{q r dr}$ . Ne autem, quando  $r$  maior est quam  $b$ , irrationalia proveniant, restituo loco  $xx$  valorem  $-n$ , erit  $\frac{dx}{x} = \frac{dn}{2n}$ , et  $\frac{x dx}{xx - 1} = \frac{dn}{2(n-1)}$ . His substitutis habebitur ista aequatio

Y 3

$z dy$

Fig. 2.

$2 dy + \frac{y^2 dn}{n} = \frac{dn}{n+1}$ , quae constructur sumendis  $n = \frac{r^2 - b^2}{b^2}$   
 et  $y = \frac{(r^2 - b^2) dy}{qr dr}$ , seu iam inuento  $n$ ,  $y = \frac{2ndq}{qdn}$ . Hinc  
 sequens nascitur constructio: descripto quadrante elliptico  
 BCA, cuius centrum in C et semi-axis BC constans  
 est puta = 1, pono hic 1 loco  $b$ , quo facilius homo-  
 geneitas possit seruari. Erit ergo semi-axis AC =  $r$ ,  
 ex A erigatur normalis AD = arcui elliptico AB, erit  
 punctum B in curua aliqua BD, cuius constructio hoc  
 modo est in promptu. In ea igitur erit AD =  $q$ . Sit  
 F huius ellipsis focus, erit CF =  $\sqrt{r^2 - 1}$  et ad BF  
 ducatur normalis FP, erit EP =  $r^2 - 1 = n$ . Note-  
 tur hic, quando fit AC < BC et focus F in BC inci-  
 dit, valorem  $n$  fieri negatiuum, et ex altera parte pun-  
 cti C versus B accipi oportere. Deinceps ducatur tan-  
 gens DT curuae BD in D, erit AT =  $\frac{qdr}{dq}$ , et iuncta  
 AP, ex T ducatur recta TG normaliter secans AP,  
 si opus est, productam in O et DA productae occur-  
 rens in G, erit ob similia triangula PCA et TAG,  
 $AG = \frac{rqdr}{(r^2 - 1)dq}$ . Ipsi AG aequalis capiatur CH et  
 sumta CI = CB = 1, ad ductam HI erigatur perpen-  
 dicularis IK erit CK =  $\frac{(r^2 - 1)dq}{rqdr} = y$ . Huic CK fiat  
 aequalis PM, eritque M in curua quaesita BM, huius  
 enim curuae haec est proprietas, vt, dictis CP,  $n$  et  
 PM,  $y$ , sit  $2 dy + \frac{y^2 dn}{n} = \frac{dn}{n+1}$ .